



- उपराज्यपाल मनोज सिन्हा रुस च कालमीकिया गणराज्य दे अध्यक्ष हुंदे नै मिलै, दपक्खी सांस्कृतिक आयोजन बारे गल्लबात कीती, महात्मा बुद्ध हुंदे पवित्तर अवशेष लेइयै अज्ज भारत परतोआ करदे न।
- मुखमंत्री उमर अब्दुल्ला होरें जम्मू-कश्मीर दा राज्य दा दर्जा बहाल करने दी मंग दोहरांदे होई आखेया जे एहदे च चिर लाना लोकें कन्नै बेन्यायी ते सुप्रीम कोर्ट ते संसद च दोआए गेदे भरोसे दी वायदा खलाफी ऐ।
- कृषि मंत्री जावेद डार होरें आखेया ऐ जे करसान मेले, राई-बाई दे क्षेत्र च नमियें काहड्डें, तकनीकें, ढंग सरिस्ते ते नमे टिकाऊ उपाएं बारे जानकारी ते विचार सांझे करने दा शानदार मौका हुंदा ऐ।
- विधानसभा दे स्पीकर अब्दुल रहीम राथर होरें औंदे इजलास लेई सदन दी कारवाइयें सरबन्धि सलाहकार कमेटी दा गठन कीता ऐ।
- जम्मू-तवि गोल्फ कोर्स अज्ज शुरु होआरदे मानसू दी ऑफ दिवाली कप 2025 दी मेजबानी लेई तयार ऐ।



LG Holy Relics

उपराज्यपाल मनोज सिन्हा होर रुस दे कालमिकिया गणराज्य दे अध्यक्ष महामहिम बाटू सर्गे येविच खासीकोव हुंदे नै मिले ते भारत ते रुस बश्कार सांस्कृतिक ते अध्यात्मिक सरबंधे गी मजबूत बनाने बारे चर्चा कीती। एल.जी. होरे महात्मा बुद्ध हुंदे पवितर अवशेषे दे दर्शन करने च सहयोग करने लेई उन्दा धन्नवाद कीता ते आखेया जे एह दोने मुल्खे बश्कार गैहरी दोस्ती दा प्रतीक ऐ। मनोज सिन्हा होरे गलाया जे 2027 च भारत ते रुस अपने कूटनीतिक सरबंधे दे 80 बरे पूरे करा करदे न ते घोषणा कीती जे इस्सै सिलसिले च अप्रैल 2026 च कालमिकिया च भारत उत्सव दा आयोजन कीता जाहग, दोस्ती दा इन्ना लम्मा पैडा पार करने दी खुशी मनांदे होई। मगरा एल.जी सिन्हा एलिस्टा च अमुर सनन राष्ट्रीय लाईब्रेरी च गे ते उत्थे बौद्ध धर्म बारे कताबां भेंट कीतियां। मनोज सिन्हा हुंदी अध्यक्षता च उत्थे गेदा भारतीय शिष्टमंडल महात्मा बुद्ध हुंदे पवितर अवशेष लेइयै अज्ज भारत पुज्जै रदा ऐ।

<><><><><><>

CM Statehood

मुख्यमंत्री उमर अब्दुल्ला होरे शनिवारें आखेया जे जम्मू-कश्मीर गी एहदा राज्य दा दर्जा तौले ब्हाल होना लोइचदा। श्रीनगर च इक प्रैस कांफ्रेंस गी सम्बोधत करदे होई मुख्यमंत्री होरे आखेया जे इक चुनी गेदी सरकार दे सशक्तिकरण ते उसी पूरे इख्तयार देने च चिर लगगना, उसी चुनने आहले लोकें कन्नै बेन्यायी ऐ ते एह संसद ते सुप्रीम कोर्ट च कीते गेदे वायदे दी बी वायदा खलाफी ऐ। उने केन्द्र सरकार आसेया कीते गेदे त्रंऊ वायदे दी प्रक्रिया दा चेता नोआया जेहदे च नमें सिरेया हद्दबंदी, चुनां ते राज्य दा दर्जा ब्हाल करना शामिल ऐ।

उनें आखेया जे इनें त्रंऊ वायदे दी प्रक्रिया दे पैहले दो कदम ते कामयाबी कन्ने पुट्टी लैतै गेदे न ते हून समा ऐ त्री गै पुट्टने दा। उमर अब्दुल्ला होरें केन्द्र सरकार अगगे अपील कीती जे ओ एह त्रीया कदम चुक्कियै इत्थै लोकतंत्र गी पूरी चाली ब्हाल करने दी प्रक्रिया गी तोड़ चाढ़ै.....

<><><><><><>

Dar Kisan Mela

राई-बाई मैहकमे दे मंत्री जावेद अहमद डार होरें आखेया ऐ जे करसान मेले राई-बाई दे क्षेत्र च नमियें काहडें, तकनीकें, ढंग-सरिस्ते ते नमें टिकाऊ उपाएं बारे जानकारी ते विचार सांझे करने दा शानदार मौका हुंदा ऐ ते इनें मेले च बक्ख-बक्ख करसान, राई-बाई दे माहिर ते उद्यमी अज्जै-कल्लै दियें तकनीकें ते सरकार दियें स्कीमें दे बारे च जानकारी बी इक्कै थाहर सारे कन्ने सांझी करदे न, जेहदे नै बड्डै पैमाने पर जानकारी दा आदान-प्रदान हुंदा ऐ ते राई-बाई कन्ने जुड़े दे मते-मते लोकें गी फैयदा पुज्जदा ऐ। कल बारामुला च मीडिया आहलें कन्ने गल्लबात दौरान उनें आखेया जे करसान मेले च फसलें दिएं उन्नत बनकियें, अज्जै-कल्लै दे कृषि उपकरणों ते टिकाऊ ढंग सरिस्ते गी सब्भनैं कन्ने सांझा कीता जा रदा ऐ। उनें करसानें गी आखेया जे ओ नमें ज्ञान ते तकनीकें दे इस्तेमाल राएं अपने जीवन स्तरें च सुधार आहन्नी सकदे न। उनें नकली बीएं, रसैनी हैलें दा कम्म करने आहलें गी खबरदार करदे होई उन्दे खलाफ सख्त कारवाई दा बी निर्देश जारी कीता। उनें अगगे आखेया

<><><><><><>

बागवानी निदेशालय जम्मू दे निदेशक Gul Sayed होरें 2 दिन दा किश्तवाड़ दा व्यापक दौरा लाया तां जे उत्थे बागवाणी दे पूरे पराते विकास सरबन्धी प्रोग्राम, CAPEX, MIDH, JKCIP ते ATMA तैहत चलाई जा रदी गतिविधें दा जायजा लैता जाई सकै। अपने दौरे दौरान उनें पाडडल च सेऊं दे मते झाड़ आहले बागें दा जायजा लैता ते चलाए जा रदे बक्ख-बक्ख प्रोजेक्टें दी अमलावरी दा जमीनी स्तह पर निरिक्षण कीता। उनें सरबन्धी अफसरें कन्ने बैठक लाई ते कम्मै दी प्रगति च आवा रदी रुकावटें ते चुनौतियें दा आकलन करियै उन्दा हल करने लेई गलाया। मगरा उनें डिप्टी कमीशनर हुंदे कन्ने मलाटी कीती जे झाड़ मगरा आहले ढांचे गी खिते च मजबूत करने लेई सिइक सरबन्धी ढांचे गी मजबूत करने लेई आखेया। मीडियाकर्मियें कन्ने गल्ल करदे होई उनें आखेया.....

<><><><><><>

Speaker BAC

जम्मू-कश्मीर विधानसभा दे स्पीकर अब्दुल रहीम राथर होरें सदन दी कारवाई मतल्लक 8 मिम्बरी सलाहकार कमेटी नामजद कीती। स्पीकर अब्दुल रहीम राथर हुंदी अध्यक्षता आहली इस कमेटी दे बाकी मिम्बरें च विपक्ष दे नेता सुनील कुमार शर्मा, अली मोहम्मद सागर, मुबारक गुल, मोहम्मद युसुप तारीगामी, गुलाम अहमद मीर, सज्जाद गनी लोन, मीर मोहम्मद फय्याज ते चौधरी मोहम्मद अकरम शामिल न।

इस कमेटी दी जिम्मेदारी विधानसभा दे औंदे इजलास दौरान कम्मे-कारवाइयें दी दिक्ख-सुन करना, ओहदी प्रकिया पर तक्क रखना ते कम्म-बवस्था आहले ढंगे सिर चलाने लेई सभ्भनें मिम्बरें बश्कार तालमेल बनाइयें कम्म करना ऐ।

<><><><><><>

Tawi Golf Course

जम्मू तवि गोल्फ कोर्स Monsoon Tee off Diwali Cup 2025 दी मेजबानी लेई पूरी चाली त्यार ऐ। इसदा सरिस्ता सैलसफा निदेशालय जम्मू आस्सेया सैलसफा सचिव सी.पी. वर्मा हुंदी दिक्ख-रिक्ख च कीता जा रदा ऐ। एह कार्यक्रम अज्ज दपैहरी इक बजे शुरु होग ते एदे च 90 थवां 100 गोल्फ खडारी हिस्सा लै रदे न। इसदा समापन जेतुएं च ईनाम बंडने, राती दी रुट्टी ते Qawali Night दा सरिस्ता कीता जाग। Tawi Golf Course जम्मू दे सचिव Manav Gupta होरें आखेया जे एह आयोजन एकता ते जम्मू-कश्मीर च बददी गोल्फ संस्कृति गी मनाने लेई कीता जा रदा ऐ। आकाशवाणी समाचार कन्नै गल्ल करदे होई उनें आखेया.....

<><><><><><>

Diwali StateTaxes

आबादकारी ते टैक्सें परिसर जम्मू च जम्मू-कश्मीर ग्रामीण आजीविका मिशन उम्मीद तैहत आप सहायता समूहें आस्सेया स्टॉल लाए गेदे न। देयाली दी सेई भावना गी दर्शादे होई जम्मू-कश्मीर प्रदेश टैक्स सरबन्धी मैहकमे दी टीम नै Additional Commissioner Namrita Dogra हुंदी अगुआई च इनें स्टॉलें दा दौरा लाया। टीम नै महिला प्रतिभागियें कन्नै गल्ल कीती ते उन्दे आसेया बनाई गेदी चीजें जियां दीएं, मोमबतियें ते सजाने लेई चीजां वगैरा खरीदियां।

इस गें कन्नै मुकामी उत्पादें ते उद्यमियें ते महिला सशक्तीकरण प्रति उन्दी वचनबद्धता दा पता लगदा ऐ।

<><><><><><>

GST Rates

जी.एस.टी. दी दरे च हाल च कीती गेदी कटौती कारोबारियें ते उपभोक्ताएं दौने लेई गै सकारात्मक साबित होआ रदी ऐ। इस गें कन्नै बजारें च इक नमीं ऊर्जा आई ऐ। रियासी थवां जिला संवाददाता देवेन्द्र ठाकुर नै जानकारी दिती ऐ जे रियासी ते आहले-दोआले दे इलाकें च खरीददारें दी गिनतरी च बाददा होआ ऐ। कपड़े, Electronics ते घरें च इस्तेमाल होने आहलियें चीजें-बस्तें दी बिक्री मती होई ऐ। कारोबारियें दा गलाना ऐ जे इस गें कन्नै उत्पाद मती किफायती दरें च उपलब्ध होगन ते कारोबार गी बी बढ़ावा थोग। आकाशवाणी समाचार कन्नै गल्ल करदे होई विकास पंडोत्रा होरें आखेया.....

<><><><><><>